

同安縣志卷之二十一

循績

陳綱

蘇紳

宋宜

石賡

劉達

林棐

郭巖隱

曾秘

許衍

薛舜俞

薛舜庸

吳子斌

許巨川

許伯詡

同安縣志

卷之二十一

循績

王南一

柯南起

彭用乾

黃廣

林賢生

周源

林啓

葉錄

楊舜

葉蕩

黃

偉 驥

黃良弼

謝崑

王佐

陳健

蔡宗德

呂文緯

盧天佑

王時拱

李春芳

王三接

林叢槐

張應星

黃傑

郭夢得

陳榮祖

蔡貴易

池浴德

李鈿

葉明元

林一材

洪邦光

李文簡

陳榮選

黃文炳

蔡用明

同安縣志

卷之二十一

循績

張日益

王道顯

張繼桂

劉夢松

蔡獻臣

黃華秀

郭日烜

陳基虞

柯鳳翔

陳則采

胡明佐

林應翔

陳穀

蔡鍾有

洪纖若

蔣芳鏞

池顯京

林宗載

周家椿

周爾發

陳如松

蘇寅賓

張朝綱

康爾韞

葉成章

劉夢潮

劉廷憲

黃其晟

陳昌文

盧經

陳文瑞

張權

蔡國光

林鳳儀

張朝綬

郭貞一

同安縣志

卷之二十一

循績

三

盧若騰

陳觀泰

劉夢齡
全齡

陳睿思

劉球瑛

張金友

洪心澄

陳還

池繼善

莊仰旻

洪淳瑛

郭展綬

林雲嵐

陳鵬南

劉承業

林翼池

劉瀚

陳鳴珮

朱

陳綱字舉正父元愷善屬文終龔邱令綱淳化三年
進士爲建州觀察推官故事歲春夏率丁夫數萬
採茶綱入奏請以北苑茶供御餘皆賦民收其租
入在民者官復定其直償之則民不困而國亦利
詔如其請建民德之累官淮南江浙荆湖制置發
運使祀鄉賢弟統統子昌侯俱進士

蘇紳字儀父初名慶民天禧三年進上歷宜安復三
州推官改大理寺丞母喪寓揚州州將盛度以文

同安縣志

卷之二十一 循績

四

學自負見紳文驚服由是知名再遷太常博士舉
賢良方正科擢祠部員外郎通判洪州徙揚州上
十議進直史館爲開封府推官三司鹽鐵判官時
衆星西流代地大震方春而雷詔求直言紳上疏
極言時事安化蠻蒙光月寇宜州敗官軍殺鈐轄
張懷志等六人紳言今日之患由往者守將失計
而國家姑息太過此時可緩圖不可速取請命轉
運使備數年兵食爲持久計扼其出路俾進無所
抄略伺便卽搗其巢諭以送款且詔旁近諸蠻毋

得相撈獲首級卽行優賞不出一年逆寇必就歿
滅朝廷施用其策遣馮仲已守桂州經制之蠻遂
平又陳便宜八事曰重爵賞慎選擇明薦舉異章
服適才宜擇將師辨忠邪修豫備帝嘉納之進史
館修撰擢知制誥入翰林爲學士再遷尚書禮部
郎中王素歐陽修爲諫官數言事紳忌之會京師
閔雨請對上言國之號令不專於上威福之柄或
移臣下虛譁憤亂故其咎僭厥罰常賜意以指諫
官也諫官亦言紳舉御史馬端非其人改龍圖閣

同安縣志

卷之二十一

循績

五

直學士知揚州復入爲修撰權判尚書省紳博學
多智喜言事銳於進取願亦善中傷人改集賢修
撰知河陽徙河中未行卒葬於丹陽祀鄉賢子頌
宋宣天聖八年進士以便養親簽判本州治平中除
太常少卿熙寧初知漳州有政績及卒朝廷遣人
禮葬生平文行爲州里所推元祐中劉康夫作修
學記稱其行事全乎天理祀鄉賢

石賡字聲叔皇祐元年進士累遷大理寺丞王安石
奇其文薦之以議新法不合遷審官院旋外補歷

湖南提點刑獄廣西轉運判官卒祀鄉賢廣子元
教爲泉州長史悉貨市書後六子皆入仕爲甲族
石亘字彥明廣從弟嘉祐八年進士累遷司農寺幹
當公事熙寧中淮浙江東饑從司農卿張諤賑濟
所過盡發官府庫置場給散又募收養遺棄小兒
所全百餘萬有司劾其不循常法與諤俱罷亘曰
使事有指將以施實惠於民也若以法繩之敢逃
罪終陝西運屬嘗編漢唐名臣奏議五十卷自爲
文集十卷祀鄉賢

同安縣志

卷之二十一

循績

六

劉達字公達元豐八年舉進士第二人調越州觀察
推官累官同知樞密院事中書侍郎崇寧五年正
月徽宗以星變選殿減膳達請碎元祐黨人碑寬
上書邪籍禁帝從之夜半遣黃門至廟堂毀石刻
翼日蔡京見之厲聲曰石可毀名不可滅也二月
京免相達與趙挺之同心輔政盡更張京所行事
進用元祐黨人子弟後京令其黨後由紹述之說
鄭居中言陛下所建立乃厚下裕民何致天譴輒
更張耶帝遂疑達於是京黨論達專恣反覆引用

邪類山知亳州京復相再謫鎮江節度副使安州
民往京復罷起知杭州後召至都卒贈光祿大夫
呂大奎贊曰崇寧之初耿耿孤忠政尚元祐弊革
熙豐國事一新公其彌縫千載垂休斯文有功祖
鄉賢

林斐字彥忱元豐八年進士嘗判沂州以行河勞賞
驟遷郡守部使者薦擢太府少卿有詩文行於世
祀鄉賢

郭巖隱字石庵靖康二年由明經舉孝廉仕都轉運
同安縣志 卷之二十一 循績 七
使歷粵東節度使有廉聲朱子溥同時式其廬卒
爲葬崧山巖下題其墓曰安樂窩

曾秘字泰之與朱文公友善乾道五年進士薦授國
子監丞知惠州時盜賊蜂起道路不通秘捐俸繕
亭驛增冷泉叱馭秀麗等庵設兵防守以便行者
後知漳州惠民遮畱終朝奉大夫卒祀鄉賢

許衍字平子慷慨喜言事紹興二年以太學生伏闕
上書士論躋之乾道八年上舍登第嘗進本論二
十篇言回民利害及上供銀攬戶之弊失子與書

謂其仁人之心未嘗忘天下之憂條究汀漳泉經
界甚悉通判建寧府未赴卒祀鄉賢子伯詡以蔭
入官知仙遊縣終福州府通判

薛舜俞字欽父紹熙元年進士教授南劍州未上三
府交薦差江西漕司幹官堂審除吏部架閣以言
者罷後起江東常平幹官與其長李道傳賑荒多
所全活改知金華縣守督宿逋苛峻舜俞引誼力
爭寬期示信民悉樂輸罷歸卒舜俞問學淹貫議
論磊落挾負才氣仕數齟齬里居教授門人多通

同安縣志

卷之二十一

循績

八

顯著有文集及易抄詩書指三百餘卷祀鄉賢

薛舜庸字惠父舜俞弟紹熙四年進士調龍溪尉改
分寧丞嘉定閒知古田縣民閒牛死例諭錢於官
舜庸嘆曰民不幸喪牛又責入錢是重困也立命
除之增廩餼建閣藏書以惠生徒通判興化軍未
上卒

吳子斌字伯全少遊上庠有文名嘉泰二年進士知
南豐縣有惠政秩滿民詣臺借留者千計通判肇
慶府卒於官祀鄉賢

許巨川字揚甫學得伊洛之傳嘉定七年進士歷廣
州建康教授篤意訓誨成就甚衆士祠之學改秩
知東莞縣捐橐金新學宮給沒官田一頃八十三
畝歸學贍士儲錢十萬爲異日修治費邑務雖煩
常與諸生講解至其拊摩軫切催科數負殿中書
劉克莊時爲計使閱其斷訟以爲仁明兼至莞民
亦建祠祀焉主管治司辟守象州祀鄉賢

許伯詡字子揚以父衍蔭官嘉定九年轉承事郎知
仙遊縣政多慈愛有便民錄數十餘條終福州通

同安縣志

卷之二十一

循績

九

判

王南一號桂軒紹定閒擢兩科第以國子博士知漳
州以循吏稱洪天錫題其坊曰兩科太守祀鄉賢
柯南起字時泰號覽山積善坂尾人少有英略狀貌
魁梧宋元革命民不聊生公保障密山全活萬人
宋祚終以人材薦授同安令繼而冗臺平章征南
饋餉不絕陞泉州路治中左遷龍溪縣尹改授忠
翊校尉知漳浦縣招撫流亡治有成績復授南劍
路將樂縣尹兼勸農事蒞任五年尋謝歸杜門不

出

明

彭用乾會心正學耕讀教授洪武十四年令方子中以孝弟力田薦授臨朐丞復除光息調徐聞有惠政擢知其縣清苦不以家累自隨卒於官年二十九其甥負骨歸葬焉

黃廣字文溥建文壬午以貢入太學永樂閒歷知德慶州署肇慶府事興學校均徭賦招逃亡減鹽鈔民賴其惠雖強梗徭人亦聽撫焉士民祀之名宦

同安縣志

卷之二十一

循績

十

家居爲本邑奏除荒田歲賦五百餘石鄉人德之祀鄉賢

林賢生字朝垣永樂十八年舉賢良方正赴京以鹽戶單丁陳情詔授程鄉知縣居心慈惠而治邑嚴明縣人謠曰林公如虎軍民安堵與巡按相左告歸結廬斗仰巖與友人葉文堪窮孔釋號隱溪松叟

周源字子濬成化甲午舉人戊戌進士家貧有志節初計偕北上鄰舟夜遇盜源因得其遺金百兩盡

歸之知石埭縣律已廉臨民惠遇災能卹有犬悶
鎖楚路遇舍人子入縣求索源執杖欲奏之閹更
杖舍人子乃解入爲兵部車駕司主事奉身清苦
人所弗堪中官汪直怙寵用事嘗被內密旨襲檢
朝紳家至源篋無長物僅錢數十服其廉由是名
震京師一月之內陞本司員外轉郎中調武選卒
櫬歸不能葬憲副邵莊行部至哭以詩云有身全
白璧無地以黃腸命有司葬之祀鄉賢

林啓字仰之號海峯魁梧軒爽不欲一事居人後介

同安縣志

卷之二十一

循績

十一

而能容方而不腐爲文有奇氣成化丙午鄉薦第
一與蔡清相次發解而並以易學倡鄉人爲安陸
州學正遂以易學教士安陸之易實啓開之放胡
文定法爲教人士循軌遐邇莫不聞其名分校順
天四川得士數十輩皆名人報績殊等遷國子監
博士及門如趨韓吏部遣子受經三登賢書一成
進士復遷南國子監丞吏部侍郎楊守陞攝祭酒
當詣京或請他攝楊曰仰之在毋須六合生羣請
之吏部遂攝祭酒嚴公有恩監故有饌錢弗歸公

啓曰是諸生故物也人盡給之宏治壬戌迎母至京閱月餘而啓病卒於官年四十九囊無一金六館師生爭致送僉都御史林俊以所自預深衣方履殮之祀鄉賢嘉靖中孫天德以貢歷廉州推官路南知州廉人祀之名宦

葉錄成化戊戌歲貢爲常山開化二縣丞在開化興文學除奸豪門廡肅然公退則荷畚蒔蔬編竹爲器躬親農圃事每食一蔬而已仕終感恩知縣

楊舜字世柔號可齋翔風里楊江人習法律補邑掾

同安縣志

卷之二十一

循績

十一

部試異等宏治六年赴選告降得上高典史清白自持苞苴不入邑豪有廖姓橫暴里人發其不法三十事罪至死當道檄舜訊鞫執法不稍貸邑豪伺閒夜投白金三百求免舜白令發其私令憚避姑召其人還其金又捐一年僱役錢造橋梁以渡行人督賦不受私民無敢逋強盜王宏久爲民患捕而戮之民皆以除嘗逐林行遇盜知爲舜不忍殺在官六年署篆二年俸資外無餘取屢引疾當事賢之不忍舍懇至泣下乃許之正德二年致仕

歸途中見一男子凍雪僵舜讓箒至浦城活之始知爲漳人爲尋其伴而資之是夜忽盜起民各自救乏殺漳人昇舜及代負行裝過浦城嶺而免焉人謂陰隲之報既抵家絕跡城市遇萬壽飾衣冠望闕拜賀武廟崩製衰服哭臨祠堂盡哀三日建祠宇致祭田率族人以禮祭祀忠孝兩盡可謂一鄉士矣同邑林希元爲之傳

葉蕩字士堯宏治壬子舉人父錄以貢士任感恩知縣蕩令餘干不數月令行禁止無敢壅惠澤者有

同安縣志

卷之二十一

循績

十三

監司偁視諸令至蕩改容禮之以艱歸服除補新興令

黃偉字孟偉號逸所性敏而慤貌古心淳嘗就府小史一日投筆曰非丈夫也棄去習經讀書太武巖正德庚午鄉薦自歎未學不赴春官受業陳琛之門登正德甲戌進士授南刑部主事治獄情法旣得則執不可奪公暇求道南岡先生書遡穎昌授受徽旨以朝夕自勵凡世好一無所撻其心嘉靖初應詔陳九事首論敬德必親賢儒遠近習補

必任老成去軟熟節用必自裁減貢獻始除剝民
巨蠹必革鎮守他如選臺諫重守令養人才明職
掌正憲體率中治機又上定大禮疏斥張璉希寵
嗜進妄誕不經上申明舊制疏改正京畿御史不
得仰部司抄奉案驗侃侃無諱出守南雄清介簡
易節省驕從明禮教去淫祠罷不給之徵禁晝遊
之女介直敢爲無所顧忌郡有橋稅毫不私取按
司檄民夫鼻蘇木署牌還之巡撫欲丈田加稅屢
執不從甫三月遂疏歸老穉遮留不可得以薦改

同安縣志

卷之二十一

循績

古

授松江時張璉當國同年霍翰私爲解且勸一調
偉曰昨墜馬今病足未能卽稱疾歸自是累遷不
起日惟以養親講學正家爲務丁艱三載絕迹臥
內晨興諸子晨拜家廟或晏起斥跪庭中須拜畢
乃去冠婚喪祭盡革舊俗鄉人化之臺察李元陽
行部謂諸生曰莫道法誦孔子且但學黃先生丁
酉戊戌泉大饑元陽請偉主賑事偉旦暮區畫食
寢幾廢以是殫神畢力疾作而卒郡守爲建坊與
李源田鼎並旌所著有海眼存集卒祀鄉賢

黃驥字德倫號梅莊能詩正德初任崇明典史寬仁
莅民臨事善斷以廉聲稱陞句容主簿

黃良弼字嚴夫號白泉正德癸酉舉人授汝州學正
州地簡僻人才落寞良弼以所學爲教文風漸振
克稱厥官陞南京國子監學正六館師生咸推讓
焉良弼才氣俊逸而行率直臨事不避忌諱竟以
是罷官歸囊如洗淡泊自甘人以此高其行云年
六十有八卒

謝崑字鍾璞號次峯在坊人正德丙子舉於鄉以親
同安縣志

卷之二十一 循績

十五

老乞學職得金華訓導嘉靖己丑成進士歷知溧
陽成安二縣持身潔而馭吏嚴溧陽民喜爭動以
財賄取勝崑一律以理決期年訟息在成民尤安
之擢南戶部主事監鈔北新關錙銖弗染商船二
稅取足常課雜費破格除之吏白除之必斂怨崑
曰寧怨歸己毋害歸商由是清操流聞得代惟圖
書數肩而已轉南兵部職方員外卽未任卒生平
不樂人逢迎亦不能逢迎人歷官十餘年無寸緡
之蓄其卒也當道助賻始克蓋棺祀鄉賢

王佐字子才翔鳳大嶝人嘉靖壬午舉人初知睢州
值河決竭力捍禦河卒平睢人建回龍廟河濱生
祀之擢高州同知南戶部員外郎中以持議忤大
司農出爲兩淮運同爲人剛介在高佐鹺解課者
再而家甚清白屏居年八十三矣睢人請於督學
祀之名宦不知其尙在適移文至令徐待贈之詩
曰白頭如越世赤子未忘慈百畝家無羨千秋食
有餘亦竟以其年卒

閩書

陳健字時乾號滄江正德己卯舉人嘉靖丙戌進士

同安縣志

卷之二十一 循績

六

授刑部主事歷四川司郎中決讞鯁直不阿上意
出知南安府政務寬簡與民休息修南安志調廉
州府再知南寧爲政惻勤撫綏不務因循歸田後
課子孫崇先祀敦睦無閒云及卒許獬誌其墓

蔡宗德字懋修嘉靖辛卯舉人通判廣州活漳泉之
通番船者百餘人有甲盜葬乙地乙遷其棺他所
甲以棄棺訟宗德佯不聽第約日令乙遷而棺果
遷故處又有弟亡僅一遺腹兒兄利其產謀一夫
婦冒爲己子復謀一人證之宗德訊佯怒令棄兒

於水翁婦哀慟求免冒子者略不動乃責諭其兄
薄分以弟業丁艱復除台州活莆田被擄者十餘
人調梧州卒子貴易孫獻臣

吳文緯字道充號壘石浯洲人嘉靖辛卯舉人授藍
山知縣爲民求便利日搜其蠹弊并而芟除之才識
敏贍庭訟一言而決胥吏靡竄手舊有徵輸餘銀
吏以羨白例充私費文緯請歸官充公監司大其
請遍移旁邑曰令不當如是耶往上官按行部邑
庸鄙者或有需求至藍獨無私饋吏懼見謫文緯

同安縣志

卷之二十一 循績

七

不顧卒皆敬重之居荒徼閒蠢蠻蕃育數患甚民
黎一日掠至城下文緯勒兵追捕俘數十以歸度
其勢可盡殲建議平徭當事難之文緯指畫陳可
取狀遂委任其役按地圖部署兵所從入率敢死
士搗其巢窟徭窘乃求撫文緯曰聽撫卽吾民也
定爲約束而遣之徭遂平上其事於朝民立祠祀
焉陞四川簡州知州未任報罷

盧天祐字以順嘉靖丁酉舉人授永豐知縣當嘉靖
之季分宜當國賄賂熾行直指行部率多訪惡人

罰金具賂索永豐天祐第應曰無有縣故無城賊寇雲擾廣兵袁彬等千餘人應召殺賊反捨家爲亂縱橫閩浙間天祐刊木壘石塞路隱蔽關隘分兵防守有捕得通賊者立斬之廣兵至聞其清德竟不爲害會當入覲直指以邑遭殘破奏請丞代丞居下考中道遁去銓部以此連天祐坐失官爲令七月耳歸而無以爲家永豐人建祠祀之

王時拱字曰臣號印洲浯洲人嘉靖庚子舉人榜姓林時年甫十九選授杭州通判浙部儲峙供億事

同安縣志

卷之二十一 循績

六

極鹽米而豪猾吏巧爲乾沒宿弊如蠅至則多布耳目起發弊端徐爲條教搜剔之異時賦入賦長輒先饋主者以爲例時拱曰如此官自乾沒何以禁下痛革之吏乃咋舌不敢動民樂輸將已而歷署仁和富陽錢塘海寧諸篆皆有政聲而富陽節約愛利尤多民尸祝焉浙苦兵乏儲一日健兒脫申唶唶道路爲請便宜發帑金以給當事者讓之時拱曰帑金易集耳卽有他虞帑金寧足愛耶卒白大吏許之譁伍靖讓者乃服其識巡撫梅林胡

公檄委團練鄉兵日夜訓督卒乘服習課績爲最
薦於朝璽書賜金擢廣信府同知閩浙孔道游寇
出沒飭于掇惟謹有山東劇賊二十餘輩將入閩
爲亂詐稱應募乘夜闌入城廉其狀令游徼給食
設爲好語存慰之約且日給牒遣行而潛使吏掩
捕比曉已執送庭中無一脫者礦賊連結倭寇由
贛內訌信州攻陷永豐玉山二縣且及貴溪貴無
城民傳警各鳥獸散時拱署邑篆乃多方倡率勇
敢守要阨險設伏置疑十餘日邑賴以完旣而援
同安縣志

卷之二十一 循績

九

兵至敵皆殲焉城貴溪度宜鳩工督役不數月而
城成至今賴之奏聞復賜金蓋異數也在任凡五
載值太守入計攝府事比守回已交篆而是夜府
署火仍引爲已責竟以此告罷歸焉

李春芳字實夫號東明賢祐曾孫嘉靖庚子舉人庚
戌進士性警敏年十二食餼十六領鄉薦聞羅漳
夫倡教師事之居官清苦初試戶部奉命犒大同
軍故事凡遇部使至輒具豐儀爲餽春芳一無所
持而去授刑部主事執法不阿卹刑江西有懷金

至者正色拒之奏報稱平出守潮州省訟牒蠲贖
緩適有倭患軍務旁午春芳時糗糒繕器械募敢
死士激以大義明紀律冒矢石潮得無恙潮人祀
之年四十二卒祀鄉賢著有白鶴山存稿

王三接字允康號晉齋未冠領嘉靖癸卯鄉薦庚戌
登進士授南戶部主事分司鳳陽調度軍食力剔
乾沒積蠹羨緡千計會倭寇軼三江留都戒嚴改
職方協司郎中擢守韶州洗畱獄雪無辜旋病卒
年二十二韶民編素哭踊如失所生櫬歸囊橐蓄

同安縣志

卷之二十一 循績

三

然無錙銖之遺三接天性孝友敦倫睦族與人坦
夷不爲矯激之行聲色貨利視之淡如逾壯而及
時咸憫之祀鄉賢

林叢槐字應昌號三庭東市人年十一遊庠有奇童
稱嘉靖己酉舉人丙辰進士授饒平合年未及壯
而泣事精敏若老吏粵賊蠭起張璉爲之魁聚夥
萬餘招撫議起叢槐單車往諭賊或戕其役人以
恐動之神色自如賊亦畏服竟羅拜擁衛而歸己
而倭來攻城城援絕爲浚濠開窖日夜登陴募壯

士共守城卒完士民爲金城保障圖以紀功再受
賞四登薦擢南戶部主事邑人立石紀德建生祠
祀之在部未久復以拾遺罷歸構別業於城西顏
其堂曰崇真時與同志杯酒唱和晚慕金陵吳越
之勝嘗贏糧一過之竟空囊歸曰吾游足適矣所
著有明農集

張應星字子翼號菊水自幼開敏喜讀書從晉江史
于光邑先輩林希元學盡契所蘊蓄少失父兄常
懷哀慕每忌前披其所藏訣語悲吟墜淚及辰衣

同安縣志

卷之二十一

循績

三

素食蔬終身不改嘉靖戊午歲貢授會昌訓導揭
白鹿洞規教士督學使者徐爌以德行求士諸廣
文入試分授片紙令書無德行之尤者應星獨不
書學使怪問之曰諸生性質不齊然皆可自改苛
求之恐累終身學使大喜因試以世變江河詩應
星賦末章曰厥行伊何行已有恥有恥云何不殖
不邇顏生四勿聖門要旨學使曰張廣文自謂耳
嘗戒其子曰與富人言雖窘毋自說若見爲求也
與貴人言雖是毋過贊若見爲諂也轉清江教諭

道卒所著有四書大略易經管窺燈影子日益舉人

黃傑字一貞號忍江浯洲西黃人嘉靖己未府學選貢第一歷西安麻城訓導海康教諭伊府教授致仕三辭署印操若冰霜貧士有餽必力卻之沐其陶鑄者甚多所至多有可紀而在麻城尤著傑多聞善談論對諸生竟日無一庸俗語聽者忘倦才者愛之中才者教之貧者卹之時以鄉先哲蔡清張岳林希元諸長者爲諸生誦之凡行事不自黜

同安縣志

卷之二十一

循績

三

汚亦不爲崖異外不急促而內默喻人於道旣轉海康諸生祖送塞路傑畱衣一襲爲代者別以示傳衣之意其後代者亦勉效傑麻士賢之歸居橙山之麓學者稱忍江先生卒年七十八閩撫耿公定向其門下士也捐金治葬爲之傳楚粵皆祀名宦

郭夢得號肖野在坊後郭人嘉靖壬戌進士初授湖陽令潮有逋賦之累民罹其害夢得爲陳於當道項銀補之民歡呼戴德陞南京戶部主事時

上重方士分遣御史訪求天下符錄夢得以東南
倭患度支不給宜節用以備軍需疏留中調廣東
瓊州府瓊產珠上官採辦吏役緣以爲奸力除其
弊所屬規例悉行蠲免廉聲著於粵中

陳榮祖字克紹健孫嘉靖甲子舉人授永安令出入
常賚糧僱役地方無擾草保家以杜需索汰冗役
以省詐冒民被火者卹之被疫者槥之立社學選
羅光宇等十餘人爲社師課其學程九了樹有白
額虎噬人齋禱城隍立斃教民始種麻豆芋薑閭
閻利賴民立祠刻石像生祀焉以清廉陞德慶知
州盡革陋規卒於官櫬經永安焚香哭奠者數十
里不絕永安祀名宦

同安縣志

卷之二十一 循績

三

蔡貴易字爾通又字道生號肖兼宗德子嘉靖甲子
舉人隆慶戊辰進士授江都令丁內艱服除補崇
德復包角堰以捍海潮創尊經閣俾諸生講業合
山巨盜楊雷潘榜者糾聚橫行浙以西苦震隣臺
使者謀遣將兵之貴易用閒計擒其魁餘黨解散
三方安堵遷南京戶部陝西司主事徽人商崇德

者感貴易不擾迨至姑蘇釀四百金爲獻貴易峻
郤之諸商歸而立四知亭侈其事督錦衣米鹽入
倉出納十年無糶折晉浙江司員外督浦口倉遷
祠部郎中罷教坊司供應清朝天宮侵冒出知寧
波府時余有丁爲相貴易座主也寧人議開海外
金塘大檄二山謂可墾腴田二萬畝佐軍興有丁
從中主之監司業唯唯促畚鍤役貴易曰此國初
所徙地也役蒸黔而資巨室詎庸利乎旣力白於
上官復究極害爲有丁復書曰鄙人不知其不便

同安縣志

卷之二十一 循績

三

若是事遂寢諸衛所賂結府胥借軍儲數千無還
計蒐致之法餉蠹一清海上漁商二稅舊輸郡帑
議貯之節定二邑著爲令曰郡牘故在耳寧東門
外跨大江爲浮梁兩淮隙地爲豪家占以築室設
塵市渡者壅擠多溺於水突未大水壞舟梁漂溺
百餘人貴易爲文祭溺者按圖籍得其侵蝕者折
其材而平之更新道路浮橋艤舟二十餘艘鐵纜
絡之屹然中流自是往來無患士民立碑頌之遷
貴州按察副使署督學校所拔得士署司篆出納

惟謹不問羨擢布政司參政所部會安國享嘗涓
人投牒若將有所餽者賈易叱牒還之自是安會
頽首受約束曰畏使君清耳晉浙江按察使游士
民間之喜曰是故寧波守也會吳興董學士范言
成事起訟蝟集貴易一切安靜鎮之曰是無賴子
易煬安足聽也撫按知貴易不爲動則徑下之道
府而董學士家破范司成竟投繯死事聞神宗震
怒當事者咸獲重譴人始服貴易能持重得大體
會入覲爲讒構所中坐鑄一秩歸貴易恬退寡援
同安縣志

卷之二十一

循績

五

挺立獨行易箚之日囊稿蕭然蘇濬顏其堂曰清
白寧郡崇邑皆祀名宦萬歷庚子祀鄉賢所著有
時文集子獻臣

池浴德字仕爵號明洲嘉靖甲子乙丑聯捷進士授
遂昌令故事郡守應朝時里甲斂百金爲贖浴德
代守卻之會新守至搜舊案山積前令不能決者
曰下檄追督浴德檢三百餘案各別年次輕重平
反勒爲數用上之逮繫悉空守大喜追徵詳揭賦
額於時寬以限期不事桁楊人爭樂輸初遂民往

衢開礦爭利不均蜂起爲盜上官以禁凡入衢者
須告縣給符否則以礦徒治之後衢與遂民仇者
皆指爲礦徒送之官無一脫者浴德白於衢道毛
公曰一里往來事事豈能給照十室忠信人人豈
盡礦徒毛公立弛其禁民至訟庭一毫緝銀不入
官只袖米半升往返卽可結案安業咸稱爲池半
升隣邑有難決者悉檄剖之丈量議起編派既定
有以多爲寡者有全畝隱匿者先拘豪家置之法
懼乞再丈許之無一差漏有浮額者充學以贍貧

同安縣志

卷之二十一

循績

三

士縉雲諸邑爭告當道請浴德在丈編法如遂百
姓歡欣擢南吏部考功主事民赴臺乞畱編賦四
閱月編成黃冊乃就道至龍游萬人曳舟三日不
得發行壯者奪舁夫肩之夜半解纜勵聲遠聞衆
爲蓋石亭於西明山水滸曰曳舟亭鐫云江水比
思猶有底溪雲護石更無心後祀之名宦至南都
三月轉北吏部稽勲司丁外艱抵家僅餘四十五
金起補原官清介端嚴無敢干以私遷考功員外
陞郎中調護士類常與相張居正相左會汰天下

完員居正戒部汰其人不復職浴德竭力調停得
不汰者十二三有楚司理趙采行取入京爲南部
所揭居正欲斥之力持不可居正趣益急浴德稱
疾而太宰竟逢相意罷之轉太常寺少卿有開封
之命事竣告歸屢徵不就諸當道海上事宜皆就
決知無不言奸宄斂迹盜賊相戒不入境年七十
九卒是月大星自南墜有聲山鳴三夜城北大石
忽摧人謂是其應云所著有空臆錄懷綽集居室
篇爲詩深厚如盛唐祀鄉賢

同安縣志

卷之二十一

一續續

七

李鈿嘉靖間由掾吏授增城縣丞慈惠愛民民甚親
之性廉介適島寇掠海上鄰邑戒嚴一日按訟者
一人納其貲贖民訝其改操逮暮碎其金攜登陴
悉犒守者蓋以日久恐懈故勞而固之也其通變
類如此尤敏練有幹局會郡築邏城甚急諸司檄
鈿董其役築者歌焉又從督撫進討兩源及置龍
門使鈿往視形勢鈿盡圖其要害上司嘆異後轉
布政司經歷

葉明元字可明號星洲孝友喜讀書隆慶丁卯戊辰

聯登進士授石埭令時政尚嚴明元獨以教化寬
易爲理省浮費清治獄裁減差使以節夫馬遷南
甸部郎有百戶者張居正同鄉人殺人於市主者
欲庇之明元執不可竟抵法出守南安設約要東
巡行勸課溺女傲俗先是天順閒大庾學併入郡
學中而道源書院爲居正所裁明元入覲具疏奏
復大庾學及書院詔下撫按竟如其請遷賓州按
察副使諸苗怙亂潛畫方略逆酋相次受縛因爲
建衛設防浚河徙民諸綱繆甚具遷廣西參政萃

同安縣志

卷之二十一

循績

天

於官所治皆立祠有評註國語檀弓行世祀鄉賢
林一材享泥人初名一雉字以成號玉吾隆慶丁卯
舉人辛未進士授南禮部祠祭司主事於典禮多
所咨詢勒成篇帙陞郎中復除戶部河南司郎中
裁宗藩額外陳乞又題糧額必準弘治十三年例
不許浮增邀功時張居正方行文量法一材倡議
無浮糧州縣不得槩文以滋擾擢太平守革鹽號
以惠商分稅契於屬邑郡俗多誣命之獄爲細辨
折嚴遣償澆俗頓革遷浙江副使備兵金衢則重

繩永康之婪吏諱畱豫備之倉穀卽上官側目不
顧晉雲南參政裁軍伴分礦稅臨元一道遂爲冷
局滇撫蕭公以邊才薦調山西參政以煤孽左遷
冀南副使訓練綢繆引馬泡泉入學宮設立名籍
以束宗藩以親老乞近地尋擢廣西參政艱歸汾
人建生祠祀焉一材樸心質貌不干外事至地方
利病則侃侃不諱如奸商以溷鹽爲官場謀設運
同分司總之又如浦頭河泊安民巡檢皆害多於
利者力陳其弊於當事而疏汰之至今便焉屢膺
賓禮年七十九卒祀鄉賢

同安縣志

卷之二十一

循績

无

洪邦光字世龍號賓吾父居正以貢司訓武進有學
行邦光嘉靖戊午舉人隆慶戊辰進士性沈靜簡
默望之恂恂然至其爲政度民便利竭蹶成之初
守無爲州州除養馬免糧田外一切歲辦不均民
困賦役流移者數邦光履畝均田酌議申請分秋
糧夏麥絲絹糖油四則以稅糧馬價照畝均攤自
後垂爲定例民大便之擢同知雲南府理他郡訟
獄錢糧悉得其平所過肅然亦無交往時太宰嚴

公清熟邦光治狀曰是當專城以理吾郡者已命
下果然刑清政簡士民安之秩滿陞貴州副使備
兵都勻樂平司叛苗樂禮生挾士官宋廷瓚夙仇
糾衆反流毒甚慘邦光率知府梁相集兵剿除與
指揮莫聯璧揚威定計擒禮生誅之宣示威信於
是樂平者牙九股等叛苗各奉約束久之擢參政
尋擢按察使備兵川東屬有土司跋扈督府將兵
之邦光謂是蠢爾者招撫可服躬至其境勘處土
司感泣聽命邦光在都勻時嘗條地方事失僚長
同安縣志

卷之二十一

循績

三

意已僚長撫黔修隙因以黔藩事論調邦光念父
母老馳至家杜門掃軌朝夕侍奉未幾卒所著有
三則要言祀鄉賢

李文簡字志可號質所嘉靖戊午舉人隆慶戊辰進
士知無爲州撫綏安利不搏擊以取名然法所不
可萬夫不能奪地當衝道能節約困者以舒遷肇
慶府同知州人擁道攀留肇爲制軍開府地重劇
事多屬辦批卻導窾恢恢游刃總督石汀殷公宏
才大略文簡以謹節濟之不斤斤希指而殷敬重

之郡縣缺必委署焉治一如無爲言征羅旁以監
軍在行督勦決策厥勞懋焉臺使薦牘有貌古於
僧署清於寺之語人以爲實錄秩滿入爲南戶部
山西司郎中卒於官未竟厥施士論惜之祀鄉賢
陳榮選字克舉號鼇海健孫榮祖弟萬歷丙子順天
鄉薦初選劍州牧未行丁內艱復補信州別戶數
清訟獄申六諭勸農桑建欽恤堂於蘇長公之載
酒堂傍率士子講學其中有拾金者爭首發榮選
斷歸拾者而責首者曰天賜彼金不平何爲稅璫

同安縣志

卷之二十一

循績

三

權稅驛騷民苦之榮選故饒資重義運家中貲以
應徵役不賦民戶不費官帑民戴德出望外黎人
梗化撫而招之不用命就俘者察其輕冒縱而釋
之題其刺而讞之牘曰冥積遷廣州同知攝篆香
山海泊所湊夷寶所聚清介一如平昔稅璫欲多
稅額榮選爲香山人力爭侃侃披陳一洗同官脂
章之習見璫意形於色遂棄官歸榮選歷官州牧
府佐父老並扃城過裝遮道泣畱僖廣人皆祀之
而僖人去思尤甚與陳節潘楠合祀稱爲三賢祠

在家孝友好施出爲人後專其父母並隆所生里人黃姓有兄弟爭死之誼久繫獄中白而出之衣不重彩食無兼肉有以緩急相叩靡不應者居恒手不釋卷車途客舍莫不挾冊自隨所著有易四書旨禮記集註南華經道德經註解祀鄉賢

黃文炳字懋新善書能詩萬歷癸酉舉人丁丑進士任東陽知縣爲民履畝以免賄累擢南戶部權淮安關關陳紫峯琛舊所權處也文炳至署其堂曰仰止其行政皆師之擢守平樂政治持大體開賓

同安縣志

卷之二十

循績

三

興修縣志獯獯子弟擇其通文者束以青衿皆矚然向化置驛馬復徐田民甚德之擢雲南副使署督學事礦使鄭某虐焰殃及諸生意欲主司詰治以謝之文炳不可遂矯誣論劾先後列二狀獨蒙溫旨且詔礦使無生事時稍忤中使者輒被逮繫恩宥自文炳始遷陝西參政卒

蔡用明本名霽字用明以字行更字晦仲號見南萬歷己卯舉人初授大田教諭旋補長泰斂士範士俱有禮法陞樂至知縣修學課士縣有採木之役

大木所產皆邊夷焚道岡壑箐崖絕人跡去治所數千里故事給官鋤募民役先是多相冒規免展轉株累又民苦先出募錢事竣竟不得官給往往破家用明下車見耆老人給小方令疏注鄉之巨戶各以所贖疾書毋得交語既上爲參稽糧冊閱其丁賦之上下比證甲牌覆其塵居之多寡然後榜示占役者姓名於縣門丁弱賦強則賦其金募人不任者許自訴而蠲其實者扶其誣服與妄求免者乃更爲立補助之條定番休之規信給領之

令往役者官護其家禁奸民毋乘出造獄擾之木分三運以十之六爲及格最後乃滿十採木已邑中早疫相繼用明按籍勸撫以紓之優禮百年黎民价予冠帶歲時致餼課士出俸錕供筆札茗饌而大作新其廟學豪猾犯科求贖不許必痛懲部使徵無礙金據理折之氣短而止遷淮府審理未行又有征播之役大發民夫餽餉用明猶精心爲之部署行伍相補助戒以緩急相扞如其初至調度採木時督木使者過縣民擁車言令治狀涕泣

祈留輒不得發臨行猶奏記督學請廣多士解額
及發舟泛裝岸石以壓險陸續鬱林非虛語也子
復一

張日益應星子萬歷壬午舉人令靈壁始至下寬恤
之令興利除弊務殫其猷時河工興作動派里夫
民苦額外之征十室九竄日益申文臺司第用帑
金招募或願赴役者如數復其身上司急催役日
益具靈壁飢窮狀請寬之以賦不及格轉王官老
幼泣送之爲立去思碑

同安縣志

卷之二十一

循績

三

王道顯字當世號瞻明從紫溪蘇濬遊遂於易萬歷
乙卯舉人癸未進士任台州司理慮囚多平反署
府篆及天台黃巖太平等邑俱有政聲入爲御史
卽抗疏劾兵部尚書王鶚失邊備請以王遴代所
條陳悉中機宜出爲青州僉事青故多響馬好劫
鬪道顯設法擒治爲之少變遷雲南參議丁內艱
歸民尸祝之起浙江兵備肅衛伍核才官倭寇聞
風遠遁遷湖廣按察使解組杜門著書得理學之
傳卒祀鄉賢

張繼棧字廷高鳳徵子由龍溪學中式萬歷戊子舉人乙未進士篤親信友意氣倜儻授華亭知縣裁罷常例不避權勢調松陽神明豈弟均役清田催科聽訟鞭扑不施而賦額無逋教化大行卒於官歸櫬後家中蕭然妻孥織作自贍華松二縣祀之名宦

劉夢松字國夏號璘蒼萬歷戊子舉人乙未進士父存德仕廣東副使善大書工古文詞夢松教授揚州歷國子助教刑部主事恤刑廣西陞員外郎巾同安縣志

卷之二十一

循績

三五

尋知台州府善政宜人台人祠祀之遷江西按察副使秩未滿致仕卒祀鄉賢弟夢潮乙未進士

蔡獻臣字體國號虛臺浙臬貴易子萬歷戊子第二名舉人已丑聯進士授刑部主事時帝久不視朝抗疏請定國儲忠愛懇切言人所不敢言諸所獻理一歸明允司寇王元美稱爲用世才調兵部職方主事推補將弁惟才遷禮部主客郎中四方朝貢一依典制調儀制司郎冬至習儀臺省爭班獻臣力執舊典復論楚藩假子事忤右宗伯意宗伯

遠罷深頷之已又疏請福藩之國鄭貴妃恚甚夜
發內使執之曾不少屈及旦以舊典爭於帝前帝
心嘉其直遣出常鎮參政旋遷湖廣按察使有為
宗伯修憾者借楚事參劾削秩罷歸百姓遮留立
祠口祝抵家讀書東山修輯邑乘尋起浙江海道
陞浙省督學夫啓中擢光祿寺少卿乃歸而樹德
於鄉邑有海豐莊田受產二百八十餘畝上有朱
埭一決則下貽患於海豐屢築屢壞訖無成功獻
臣慨然董其役第田爲三等曰崩流漫漲沙壓以

同安縣志

卷之二十一

循績

三

次出貲凡築石岸千九百八十餘丈於是朱埭歲
以有收而海豐田永保無事農人業戶頌功無旣
請何喬遠爲文勒碑紀焉著有清白堂稿仕學潛
學講義筆記等稿年七十九卒贈少司寇祀鄉賢

黃華秀字居約入南安庠萬歷戊子己丑聯捷進士
授韶州府推官逮下仁慈事上端執精明決斷雪
殺姑之冤釋代兄之囚辨伐冢之詭以最薦召爲
南京浙江道御史剛果洞達條陳時事時東方有
遼左之慮中原有礦稅之興楚藩有小人之情華

秀皆上疏極言之官殿從德興祝世祿寧國張應泰潛江歐陽東鳳及郡人李范廉駱日升爲讀書之會相切劘如諸生卒於官不餘一錢諸公經紀之

郭日烜字宗實號旭東萬歷癸酉舉人已丑進士授嘉定州牧歸奉母就養州轄六邑故稱善地有坊里之供會長之金又有諸稅之貯州帑歲可得三千緡日烜槩謝卻之會免差不靖率督兵馬招討收捕擒獲六邑藉以安堵泣任甫年餘循聲播川

同安縣志

卷之二十一

循績

三

南獨以執法不阿屬員縮紳不無齟齬壬辰計後臺使有拾其短者主爵意難之而重違言者乃量移安寧州牧覲行畱子奉母嘉邸至是母念歸急乃溯江入楚而日烜及長子基迎之荆州跪請母前欲乞養歸母不可日烜不忍別母奉與偕行至龍津卒年四十八僅遺圖書數卷周身幾不能備焉

陳基虞字志華號賓門萬歷己丑進士性孝友鷺直寡諧初除蕭山令以竹津要左遷移南雄府推官

有橋樑稅歲入萬金力辭不染署篆新會稅監負
嵎徧爲蠹尾士民大變基虞保靖之辨首盜諸家
冤誣活數百命前令韶光斗附墮虐民增重餉急
催科基虞悉心調劑民賴以安代之日焚香臥轍
道擁不前與袁王二令並祀三賢祠晉南刑曹郎
有貴人欲軋一異己者基虞堅持不可乃得解歷
守三郡人多去思刺彰德時畿輔猝警大中丞范
景文戴星入援基虞措置軍需咄嗟立辦朝野賴
之擢粵東兵憲終以不媚權貴得調捐金倡修長
興第二橋行人賴之卒年七十九

同安縣志

卷之二十一

循績

三

柯鳳翔字志德號桐岡萬歷戊子第四名經魁己丑
聯第進士授刑部四川司主事尋擢員外陞郎中
出爲平樂守丁內艱服除補贛州府守調慶遠守
擢兩浙都轉運使以年老罷歸鳳翔坦衷質貌不
矜能不藏機行已居官兢兢不爽尺寸其爲刑曹
多所平反法所不可者雖權貴居間不稍動三緘
郡符持大體不苛細至爲運轉則嗟蠹剔抉殆盡
而守贛時亦辭榷務不染指以故虔人愛之粵浙

人頌之第以不能屈意徇上官計吏歸抵家居城
柄里第不入城市脫巾曳履莫知爲貴人也天性
孝友常斥五百金置始祖祠及祭田族中飢寒者
濟之意氣窮交始終綢繆卽相背負不問藉以殯
葬者六七家少年陵侮者不求報窮人負債者不
責遺童僕有過怒而譴之不加撻能改亦納之一
錢凡士未嘗有利於人卽操券求售者必饜所欲
去年七十九卒崇禎四年學使者何公奏請崇祀
鄉賢

同安縣志

卷之二十一 循績

三九

陳則采號對墀萬歷辛卯舉人初任應城知縣以終
養告歸復任揭揚首敦學校造就人才有惠愛揭
人立祠祀焉遷至府長史不赴卒年六十九

胡明佐字良甫號拱柱萬歷壬午舉人壬辰進士授
南城令爲政不事粉飾不求名譽癸丑洪水淹沒
萬家瘞亡恤存民沾其惠建太平橋爲民利涉縣
多莊田賦役苦累明佐力請編運行均糧之法著
權宜永猷二錄後人遵行民賴之調宜城令曠事
起瑞悍莫與撻明佐爲陳地妨顯陵右臂瑞懼謝

去一邑以寧世計部出守循州有巨盜出沒惠潮
設法平之累遷山東參政以不媚權貴歸卒年七
十有三

林應翔字源澗號負蒼後更號止巖萬歷甲午順天
鄉薦乙未聯第進士知永嘉縣歲旱縞衣躡屩迎
龍母五十里外雨大沛丁外艱起補京山巡勸課
停車決訟不使至庭楚藩構逆郢中騷動練兵葺
城遷南戶部郎督儲鳳陽出守汝寧汝黃之交有
巨盜號自在王應翔殲之調廣州決積贖千六百

同安縣志

卷之二十一 循績

四

卷平反死獄八十餘一日以聞廣聞糴爭議棄官
歸復起衢州爲龍游民陳利病罷協濟米訪擒劇
盜滕奇兄弟覆其巢穴開化有程五龍等盜戕殺
官兵使者發兵捕治近村民惶惑鼓譟逐之兵歸
告使者村之千餘家盡勝廣也應翔曰無恐獨入
巢繫其戎會烏合悉散良民得全肖像祀之遷湖
廣副使未之官卒年六十二應翔好道術兼通釋
氏所著有止齋存稿

陳穀字次卿一字式洲號天桓健曾孫萬歷庚子舉

人榜名士任初授無錫教諭有知人鑒擢廣東新安令剛直廉平首除劇惡嚴詰奸胥寬里甲恤編民免贖錢清羨餘積蠹宿弊釐剔殆盡築兩炮臺於城北隅以固守禦甫年餘以忤權貴去行李蕭然父老攀號遮道車不得前民思其德祠於南頭西鄉後補藍山令勤於撫綏民有寧一之頌既歸年六十九卒於家

蔡鍾有字恒卿萬曆癸卯舉人授興國令嫻於吏職能得物情邑黠訟者託他籍徧控關提淆亂請於

同安縣志

卷之二十一

循績

四

上官痛釐治之永樂中屯田至成宏閒漸蕪府檄召民墾荒給帖爲業已墾者軍復爭之前令何應彪以刁軍害民請禁未久復爭郡守金汝嘉頗庇軍鍾有條陳源委言多切中守不能易卒以直道不容於時左遷徐州倅守呂梁河堤河漫決無時奔漲疾風乘舫行波中幾葬魚腹者屢山東妖寇發去徐三十里鍾有以河夫爲卒畚鍤爲兵拒賊河上賊北濱走轉分水合卒官

洪纖若字時育萬曆甲辰進士筮仕提刑讞獄詳慎

聖書褒榮之累陞司憲兩粵有巨盜鄭誅歷年寇
害閩浙江淮閒繼若懸貲購黨擒之諸路悉平及
權璫竊柄有議毀滄臺子羽廟以建魏祠者繼若
力排不許事遂寤未幾歸卒祀鄉賢

蔣芳鏞字任坦萬歷丁未進士初授戶部主事差管
海運新泰二倉聞父病卽請假歸省補工部營繕
晉虞衡督寶源局出守建昌以明斷失權貴意移
衡州時安奢作梗徵兵徵餉徵運衡民苦之芳鏞
至開鼓鑄代餉歲省民輸萬金復捐俸賑饑刷冊

同安縣志

卷之二十一

循績

望

均糧通漕鹽罷通米蔭湘薇峙皆立祠焉擢柳桂
憲副未及涖而卒

池顯京字致夫浴德子善文章工書畫萬歷己酉舉
人授和州知州州有牛竈歲入千金膏役又故橫
暴一紙下鄉輒盡中人數家之產顯京至官首革
牛稅創設木皂州人便之旋忤巡按崔呈秀左遷
湖州通判後陞懷慶同知以疾歸卒於官

林宗載字允坤號亨萬萬歷己酉舉人榜名巖言丙
辰進士初令浮梁有無賴緣璫棍獻民間田產假

爲上用一邑惶駭宗載察其奸狀置之法釐剔糧
弊人服其精明天啓初以治刑入爲兵科給事中
歷戶刑左右進戶科都給事時邊費無度山海餉
費月二十九萬宗載請旨查檄省去七萬又疏因
餉檄兵因兵檄官侃侃切中時弊進太僕卿攝太
常事莊烈帝卽位祭告郊廟陵寢諸大典皆宗載
秩之陞大常寺卿疏乞終養歸書還淳一字於里
閭優游泉石者十餘年年七十卒祀鄉賢

周家椿號愛日萬歷丙午舉人庚戌進士授寧波推

同安縣志

卷之二十一

循績

三

官丰采英邁剖決如流攝郡篆並署鄞縣執要除
繁庶務咸埋捐鏹置田於郡庠士民德之丁母艱
歸起紹興推官時澗中鹽課半出紹興家椿檢額
外羨金歲可數千悉汰革之推司理第一分校兩
省得士九人如馮元颺元颺祁彪佳余煌章正宸
皆名士有操行擢吏部主事歷員外郎中屏絕私
諂過吳門哭周忠介公而去惜名器破積習如寶
城大工諸職多由內授特加裁抑時邊疏多歸功
魏瑞力折衆議不少折節舉貢候選多淹滯家椿

謂此非國家待士意將疏通之而修却者藉爲口實遂掛冠既事白終不出

周爾發字子祥萬歷庚子舉人庚戌進士初令吳縣均賦革羨捐俸修學置田贍士署長州調歙縣張弛如吳秩滿陞禮部主事神宗遺詔欲用鄭妃爲后據禮執奏事竟寢光宗大漸召侍湯藥偕勳臣禮臣入直禁中奉願命識認太子時爾發以祠祭司兼掌四司事凡大喪大慶郊祀賓嘉及光廟擇陵熹廟擇婚諸大禮儀皆綜理無錯司獻南理督同安縣志

卷之二十一

循績

器

南糧節制南軍措置得宜前後凡九賜金六錫命時人榮之終南京兆丞卒年五十九

陳如松字白南萬歷壬子順天舉人授蕭山令革常例除罪贖嘗坐公庭自未至酉連判三十五事無稱冤者嚴盜賊摘伏如神有被殺者無踪疏邑城隍犯忽自到爲民興利而抑富豪以邑水東去不利民財乃築壩截其流別開雙河塍使水折而南注遠出大通橋又北注以遠於舊道凡爲橋三建塔二朱直指稱其吏治爲浙中第一以忤上官調

簡補信宜旋改河源邑學宮爲勢官占營私室如
松立毀其室復之有泡泉宦據焉如松曰山川之
靈豈供凶人口腹投筆泉水立涸擢守太倉事無
劇易立解治訟大者爲勸解小者斥去之候臺司
出餒則攜袖中錢市糲食供帳上官簡脫雖譴責
不動嘗試童子卷千餘一日夜發榜遺者求續問
姓名誦其疵句皆走匿書法名家人乞書立應二
年拂衣去瀟酒不羈所著有蓮山集語抄學庸解
百篇詩老來吟諸稿

同安縣志

卷之二十一

循績

聖

蘇寅賓字初仲號曰門萬歷壬子舉人已未進士授
崑山令時螻螻食禾遍滿田塍寅賓禱天爲民請
命蠲去歲以大熟以執法失權貴意論貶寧波府
教授崑民祠之秩滿陞國子監助教累遷海南兵
備道革納鋸積穀諸羨餘勒石未記轉湖廣糧儲
道以不謁督糧權璫奪職歸家無僭石杖履自適
卒年八十一

張朝綱字思勛號楚臺一號五華九歲能文萬歷丙
午舉人丙辰進士初授麗水令巨猾斂跡以最調

永嘉有以白金假海鮮獻者召卻之適富人子殺人善事郡守諸縣長承守旨久不問朝綱治如法卒見忤歸五載起金谿令邑有虎患爲請命於神虎就斃分校浙閩所得皆名士陞戶部雲南司主事管新泰二倉監兌兩浙旋授正郎出爲廣西副使備兵蒼梧梧當兩粵衝獠寇出沒勤團練募義勇粵賴以安署藩篆凜凜冰霜其在營衛屯伍市澳船廠經理有法民立祠以祭梧吏有祠自朝綱始卒於官崇祀府鄉賢

同安縣志

卷之二十一

循績

哭

康爾韞字叔玉萬曆己酉舉人己未進士授戶部主事督河西稅課羨餘不染毫釐歷郎中管通州廳時水淺舟行膠糧餉不前爾韞親履河干立風雪中督之得挽運如期以不謁權貴出知兗州府清獄理冤汰役革耗旱蝗俱不爲災以積勞成疾告歸

葉成章字國文號慕同萬曆壬子舉人己未進士性嚴毅令長洲初至漫不省事人呼爲葉木頭旣而判決如流錢穀利弊洞若觀火於是革陋政節官

費絕包攬取其奸之尤者重劄之吏胥屏息徵則
不輕差一人亦不輕議一重辟獄訟清簡以廉能
召試御史屢獻直言有培元氣慰忠魂諸疏按宣
大兼學政陳邊防十策上嘉納褒賜差按江右陞
辭有聖度宜優詢謀宜廣疏及行部則飭闈規蒐
方俊禮名紳謹聖學捐贖鍰以賑飢民境內肅然
督應天學士習文體一軌於正所拔士多顯達遷
大理寺卿以執法獲戾權璫削籍家居二載朝議
召用而成章已逝嘗有言曰吾智不能敏給而持
鄉賢

同安縣志

卷之二十一 循績

七

劉夢潮字國壯號海若存德子夢松弟萬歷己未進
士少孤守約奉母命南昌設法捕盜旁邑以寧改
北京武學教授著十三篇註解擢禮部儀制司抗
疏糾璫轉主客司朝鮮入貢以故事送土物閱之
乃璞玉也直五百金卻之遷粵西副使分司蒼柘
地去長安遠吏以苞苴爲故事夢潮操冰檠復卻
三江權稅歲累千金三院廉之委署學篆有家門

宿怨爲蒼梧屬吏夢潮以直報之自是釋憾修睦
邑里稱爲長厚君子卒於官著易義畫前稿行世
祀鄉賢子霖任舉人孫望齡進士

劉廷憲字秋岳天啓辛酉舉人初署沙縣教諭新

文廟勤月課人文蔚起諸生爲建生祠於學宮之
右陞桐鄉令清慎執法汰耗鋤猾每簿書暇卽與
諸生講學課文所賞識多名士歸官後桐人建祠
於皂林驛祀之卒祀鄉賢

黃其晟字芝仲號元眉時薰子先世自錦宅遷居鼎

同安縣志

卷之二十一 循績

哭

尾天啓壬戌進士由內閣中書擢東城御史以抗
直不容出知撫州南昌桂林等府有善政郡民祠
之轉陞南寧道嗣聞懷宗之變同瞿式耜呂大器
等奉明藩於肇慶嗣知天命有歸從王遁入緬甸
爲我朝兵所獲錮獄六年 國家恤其無罪至
康熙壬寅

詔釋之錦里初祖祀田不足置產業充之鰲島渡祖
祠爲世家所占爲之清復焉性喜楚詞漢書嘗題
句云熟讀離騷痛飲酒細看傳註喜觀書可想見

其胸次矣

陳昌文字伯武天啓壬戌進士授平樂司李治尚寬和在粵九載歷署諸篆人誦爲九印召杜擢南刑科士民遮道轉北吏垣疏請各郡邑立倉令縉紳捐粟以備賑劾尚書張鳳翼防西失職狀未幾卒官

盧經字得一萬歷壬子舉人天啓乙丑進士初授行人陞侍御史巡按河南有宗室萊陽王者以受獻孥一諸生到府楚掠經甫下車卽明斷其曲王懼

同安縣志

卷之二十一

循績

吳

遣長史求勿疏弗許竟以此獲譴下詔獄少宗伯陳子壯科臣李汝璨等皆特疏申救始得論戍放歸年七十有九

陳文瑞字應萃號同凡萬歷戊午舉人天啓乙丑進士授吳縣令潔已字民五載戴星按獄持法推情豪貴莫敢撓於糞獨尤加惠焉事上不詔過客騷擾必抑之浚縣治前學宮內外各河盡清所占喜親賢士大夫兩分校晉闡解元沈幾楊廷樞皆其所取士也吳當漕孔道慮阻凍後期議借民力

運文瑞執不可事得寢時天下多故部議視產上
下募兵充伍文瑞以家丁隸名民乃帖然洞庭有
號天罡者結黨橫行密緝而置之法其黨盡散周
順昌罹瑞禍義民顏佩章等數萬人以激憤梓緹
校文瑞護周出境復捐俸倡助爲輸所誣賊仍撫
卹其家苦心調解郡人默受其惠及佩章等首事
五人被誅爲葬而立之石曰五丈夫墓吳人有金
剛手菩提心之謠前後疏薦卓異者三竟以不樂
逢迎致仕歸卒年八十有四

同安縣志

卷之二十一

循績

五

張璿字望之號知非崇禎庚午舉人甲戌進士授萬
州牧首務教民建社學十餘所革陋規及柘柳園
稅數千金有生黎出沒害民計擒其魁患悉平以
異畱任五載爲屬邑久道累謫楊州鹽運判官尋
陞瓊州推官有宦豪虐民置之法諸惡斂手陞南
戶部主事晉北戶部郎中揭奏奸相錢弊召對稱
旨勅差粵道糧餉聞變歸著有蕘對草家乘引考
等集卒年六十有九

蔡國光字士觀號賁服天啓丁卯第六名舉人崇禎

甲戌進士七歲就傅經史過目輒成誦既釋褐令
高安請免浮糧革除常例高安人建祠祀之已補
鉅鹿修城池給牛種殘疆之民實賴以安召對稱
旨擢授禮垣未幾李自成陷京師執國光使降國
光嘆曰吾不能捐軀從先帝於地下尚敢覩顏更
事哉賊拷掠極楚索其財從者貸與之始釋歸焉
卒年八十有三

林鳳儀字朝陽崇禎癸酉舉人丁丑進士授戶部主
事遷員外郎掌三司郎中事點給京衛月糧按籍

同安縣志

卷之二十一

循績

五

皆虛冒白大司農不入告憂憤欲掛冠適青州旱
蝗盜起擢鳳儀出守下車虔禱甘雨立澍釐蠹弊
釋滯獄寬贖緩是歲蝗不入境以校士嚴絕干牘
巨室憾之值齏使者苛責款迎遂告歸中丞欲疏
畱之方辭抵家僮圖書數篋曰吾以清白遺子孫
卒年八十有六

張朝縱字思藻號青武崇禎己卯舉人庚辰進士授
職方司主事抗疏清核京衛官糧數十餘萬陞郎
中典試廣西轉江西湖西道駐袁州時郡北有天

并窩強賊盤據民遭荼毒歷任監司勦撫兩困朝
縋單騎抵穴開諭盜盡解甲陞雲南督學民爲之
攀輿因畱任尋撫南贛清勤自矢後歸以病卒

郭貞一崇禎庚辰進士授行人擢監察御史立朝侃
侃所建白多切時弊丙戌後歸隱卒年八十一

盧若騰字牧洲崇禎丙子舉人庚辰進士御試召對
稱旨授兵部主事時閣臣楊嗣昌督師湖廣好作
佛事祈福若騰疏參嗣昌不能討賊只圖佞佛帝
以新進小臣妄詆元輔嚴旨切責時論壯之遷寧

同安縣志

卷之二十一

循績

五

波巡海道僉事疏糾權璫田國興攬帶貨船濫用
人夫辱州縣阻闡口有旨召國興回論如法居官
潔己惠民剔奸弊抑勢豪峻絕餽遺輕省贖鍰風
裁凜凜值胡乘龍盜起從容指顧旬日閒兇渠授
首閩井晏然有功於浙浙人祠之歷久不廢歷鳳
陽巡撫甲申變後與癸未進士沈佺期許吉燦等
同渡海隱於臺灣勵節終身卒年六十六所著有
方輿圖考浯洲節烈傳及詩稿文集

國朝

陳觀泰榜名琬字允雅號上庵崇禎癸酉舉人寬厚
孝友 國朝任儀封知縣聽訟持平催科不擾緝
劇盜卻飛蝗捐修學宮完雉堞除雜稅革陋規儀
人德而祀之及子睿思登第遂告歸建祠宇置儒
租百六十餘石以勵孫曾卒年八十祀鄉賢

劉望齡字爾三順治戊戌進士 授開封府推官以
執法左遷雲龍州州判歷宦十三載一清如水丁
父艱歸

劉佺齡字偃仙霖任子順治庚子鄉試第二名合南
同安縣志 卷之二十一 循績 三
陽勤撫字拙催科稱爲劉菩薩退休之後蕭然自
得不入公門後生奉爲六章模楷

陳睿思字子將號鶴屏又號宜亭觀泰子康熙丁未
進士 授中書舍人耿逆變請假歸省入都未幾
囚籍守制捐資倡修輪山朱子講堂造文學之士
課藝甲乙之起補原職時清丈界外田畝解部溢
額數百頃睿思以瀕海風高地瘠婉陳崩壓無時
狀得照舊額勻輸轉行人修同安會館奉

詔回閩公接之暇未嘗與有司通一刺晉戶部主事

值聞粵海運議起睿思謂航海波濤不測非河漕
比力爭之議遂寢出理西倉釐剔勞憊卒於官年
七十著有可園詩文集子肇俊康熙乙酉舉人
劉球瑛字子玉號惠菴積善塘源人都督同欽子康
熙八年由優貢選華亭丞以最陞令任九載勤政
恤民錢糧有不完者察其貧困捐俸貸贖積以萬
計歲大祲請帑散賑不敷則捐貲以助廢已產數
萬金活人甚眾大尹首薦賢能以疾卒邑人哭送
甚悲建祠祀之

同安縣志

卷之二十一

循績

五

張金友字聲子從順里西塘人九歲能詩父斯壘名
諸生也日課以經史數千字皆成誦年十六而孤
遭兵燹託鎮軍幕府以自庇會草檄以廿六年少不
之秘也友從旁言其不可鎮軍大驚卽囑署稿果
稱意由是器重之其母聞之曰童子饒舌禍胎從
此始矣乃自韜晦後海氛再熾逆帥聞其名欲致
之因竄匿安溪山谷中數年追聞疆底定登康熙
庚申補科賢書初選得湖廣司理會 國家裁汰
是官改補仙遊教諭時有縣胥陵諸生訟之宰宰

右其胥欲以閔堂罪褫諸生友力持不可既而將
交額於上官因從容謂宰曰如此必皆有譴第某
黜爲愛士公黜爲庇役輕重之際願明公熟思之
宰爲改容乃直諸生又有郡司馬攝縣篆欲於縣
堂責士友爭曰法此地無責士體恐後以爲例公
何忍焉亦得罷巡撫李公以友賢疏薦之友請歸
養李不憚因備言母老屢經播竄甫獲息喘不忍
遠離狀李爲之泣下乃歸仙遊人勒石以志不忘
居鄉排難解紛族姓無煩有司判牘者人咸重之

同安縣志

卷之二十一 循績

五十五

稱爲旋圃先生旋圃者友之書齋也年七十五卒
子迪太學生工琴善弈書法更精於繪事至今得
其片紙猶值數金終身不履公庭以高行見稱云
洪心澄康熙丙子舉人任偃師令丁外艱歸服除值
臺匪朱一貴竊發提督施世驃延入幕中贊畫制
勝多出其謀事平未議叙而卒

陳還號素亭永華孫由正白旗應順天鄉試登康熙
庚辰進士任開平令有廉能聲丁內艱數月而開
平山寇竊發勢方熾制軍楊公亟召還往撫之不

旬日而平題敘授督標前營參將總督孔公改題
肇慶府同知以勞率卒於官

池繼善字曦侯康熙戊子舉人授達州州同有惠政
卒於官歸櫬無資士民爭賻之達州志稱其學問
淵深經術優裕

莊仰旻字彥三號仁軒積善里莊坂尾人康熙庚午
舉人乾隆丁巳以明通爲南平教諭先賢李侗後
裔哀微只有男女二人俱沒爲富家奴婢仰旻捐
俸募金贖歸女配於庠生某爲妻男則爲之籲請

同安縣志

卷之二十一

循績

五

督學吳華孫取列膠庠又獻治臺十二策於制府
德公德採用之遷增城縣令聽訟無留滯及解組
歸縣之羅漢峯被土豪鑿石挑砂請邑令立碑禁
之

洪淳瑛康熙甲午舉人授六合令調儀徵革陋規矢
冰蘖剔奸除弊吏畏民懷家居足跡不入城市

郭展綖字紫垂積善寮東人補莒州州同莒巖疆多
響馬泣任卽設計擒獲王四陳大等二十餘人杖
斃之行旅又安護理州務兼攝沂縣事慎刑簡役

窮無告者加意撫綏丁艱歸莒民無不垂涕

林雲嵐字龍輔號定軒廈門人康熙丁酉鄉薦任江西瀘溪縣邑有漕米三千舊例每石折銀七錢納官代辦後價昂貴官藉以侵牟雲嵐因時價採辦民免其累癸亥江右飢將常平積貯不照糶三存七爲例申請權變糶七存三多方籌畫邑賴以安陳鵬南字雲垂號淑齋康熙己亥年臺灣歲貢四世同居無閒言任連江訓導邑河久淤捐銀六百兩疏濬之乾隆二年風災文廟傾圮殆盡鵬南運

同安縣志

卷之二十一 循績

七

家貲二千四百兩獨力脩建歲飢邑介戚毀言煮粥賑濟鵬南捐米助之又勸紳士輸穀運米於明倫堂平糶接濟又偕令竭力搜羅輯成連江縣志制撫上其事晉秩褒嘉請告歸連人伐石記功建生祠祀歿後爲呈請祀名宦

劉承業字垂恢號鶴田祖劉澳徙白石遷居鷺島少警敏好學乾隆戊辰進士選鉛山令冰蘖自矢理繁治劇勤聽斷不屑逢迎劄法有民婦被污不就憤恚自盡其翁受賕以溺死鬻獄承業廉其狀置

法請 旌邑饑奉檄發粟三千石行賑日以拯濟
不敷發六千石復捐廉俸拮据墊補民沾實惠邑
早步禱甘霖立沛重新鵝湖書院振興文教竟以
勤民履勘卒於旅邸承業於書無所不讀文笙簧
六籍機杼一家傲岸自雄直欲開拓萬古雅擅兼
才字樵虞歐札彷彿蘇黃詩詞出入王孟秦柳凡所
作必正容端筆楮香墨活至其性地恬粹飲人以
和望其丰采矜平躁釋年甫冠以義經魁閩省內
外場皆奇肆主司歎爲異士殿試以得卷晚置二

同安縣志

卷之二十一

循績

五

甲平生口碑轟傳人耳聞其歿咸惋惜云

林翼池字鳳賓號警齋嘉禾里人雍正壬子舉人乾

隆乙丑進士選湖北來鳳令縣係苗疆新闢甫下

車卽請建城郭興學校躬親考課民始知學來俗

聘禮只用鷄酒每致強婚滋訟頒示婚函印記執

據而男女正民居父母喪旣除服遂焚主廢祀教

以奉龕藏主歲時致祭而民知孝邑苦鹽食價倍

於米商人年繳例金八百兩卻而不受勒石平價

民食其德來毗西陽州爭界仇殺能勘釐定地方

以寧邑未有志捐俸創修獨出手裁以終養歸百姓莫不來贈劉龍之錢願借寇君之年攀轅祖饒墜淚監碑生平著有尙書捷解讀史約覽洲拾草遠遊閒居草知以集行世

劉瀚字景若號溪堂東橋人乾隆癸酉科舉人爲學以經濟時務爲重經史外旁及象緯輿地指畫瞭如遇事持重有沉識身世調度歸於敦本尙實初任建安教諭脩學課士試於鄉者遂多獲雋學兩齋有額穀百餘石胥斗匿之數十年瀚廉問得底

同安縣志

卷之二十一 循績

五九

本盡清出調龍溪學再調臺灣彰化學楷模端重士翕然稱之天性孝友在建安龍溪皆迎其母及嫡兄欣聚於署選興安令地當衝搖撿雜處刁訟浮民瀚正躬以率恩威互用帖如也治務寧人鄰封全州歲應採木造浮梁送省值水漂沒州牧請檄興安幫造瀚以因循爲例將累民疊文寢格之歲連旱大饑發各社倉聽民貸約豐年繳還僚佐幕客危之更迭諫皆謝卻口用此獲罪吾無憾焉時民朝夕轉溝壑得貸穀全活以萬計越歲少稔

衆感瀚恩爭召戴真倉不匝旬而還如額在興七
年次第張弛自出鏹爲興人畫規模重建學宮所
屬陡河三十六所秦史祿所開南通澗水北引湘
源水運要津也久坍塌舟步底滯無議脩者瀚躬
覘地形計度程具其事上聞濬之永運由是通利
兩入鄉閭分校得士皆知名調署永寧州臨發興
士紳老幼攀號塞路揖別至暮始得登輿抵州任
未久丁母艱歸居鄉主壁自愛弗與請託掌教輪
山書院三年品望歸然爲諸生講解破疑竇或卽
詩文脫稿傳觀輒任散失子姪撫拾得古文二十
餘首時文四十餘首詩二百餘首藏於家卒年七

十三

陳鳴珮字雨若號紉蘭登瀛人副貢生思敬子由臺
灣府學廩貢生任建寧府訓導初署泰寧訓導仗
義慷慨修尊經閣濬久涸泮池引水入城以通其
脉繼攝連江築祖鵬南嘗司訓其邑遺教在連連
人立祠祀焉鳴珮繩武傾貲重修 文廟飭備祭

器士人德之贈匾祖孫濟矣製錦以榮其旋副調
龍溪學值臺匪竊發奉委解餉散給義民井井有
條寇平委辦善後事宜督造卡房稽查叛匪明敏
妥洽有不便於民者不殫剴切詳請桑梓賴焉時
鳳山 文廟遭兵燹當差務旁午出貲倡修撫軍
徐公深加器重薦膺民社議叙一等軍功隨帶加
一級應陞知縣素性恬淡不喜就職仍視龍溪學
事捐金九百有奇修 文廟建奎樓邑紳士僉集
名宦祠晉列祿位以誌不忘甲寅水災卒於官聞
者咸痛惜焉

同安縣志

卷之二十一 循績

空

武功

林天祥

郭濬

葉元齡

許福

邵應魁

莊渭陽

陳則睿

郭芝英

許盛

陳昂

吳楠

黃延

林莊雄

張正

魏平

王天貴

林宗泰

蔣燧

郭新

林永山

許忠

方劉進

方長生

劉執忠

吳陞

魏國泰

陳倫燭

胡貴

林君陞

高華松

陳壩

方文柱

同安縣志

卷之二十一

武功

三

柯連英

吳必達

蔡攀龍

葉時茂

元

林天祥字時若嘉天里人嘗司常平倉不屑升斗樂
 自韜晦與漁樵伍會鄰賊掠其里避地往漳及歸
 邑再有警則率里人築堡竭力捍禦老稚賴之為
 人內寬夷而外和易無迫阨之度蹠矯之容上則
 交為其誠下則各得其欲年六十八卒里人哀悼
 如其所親

明

郭濬字文遜後郭人多謀畧宏治四年賊聚亂石碓嶺總兵官馬公聞其名命從征時賊勢猖獗莫能當其鋒濬奮不顧身率衆捕之有功諸大吏咸曰文遜雖無一命之寄然爲國之心則有不可磨者請於朝授冠帶以榮之

葉元齡秉乾孫嘉靖閒漳贛寇發元齡應與捧郡檄督機兵於上杭衝風冒雪蒙烟犯瘴涉歷巖崖荆棘閒與士卒同起居者幾一年旣而大兵四集齊同安縣志

卷之二十一

武功

奎

力奮討渠魁授首凶黨破滅上功論賞錫幣郡縣卽家致勞邑人林希元爲序贈之

許福號西浦嘉靖戊子舉人乙未進士歸家養親幾二十年值倭警團結鄉社邊方無虞未仕卒

邵應魁字偉長號榕齋幼穎慧弱冠操舉子業適僉大猷來視金門所篆從之游遂徙業焉丙午雋武闈丁未聯成進士同登武第自應魁始已授所鎮撫贊畫南贛軍門贛多峒賊奉檄往諭賊以兵恐之不動以妖治挑之復不動竟俯首聽撫歸報合

中丞疏薦其可大用乙卯倭犯浙詔徵天下材官
總制張公以應魁隸俞大猷幕下大猷喜曰邵撫
軍來倭不足平矣時倭勢猖獗應魁提兵據平望
橋以待比至以偏師遶其後追斬溺死千餘人中
丞張景賢奇之令統五艦駐洋山島夷所出沒也
諜以衢山之急報疾趨之倭以二艘誘戰薄暮追
至蒲灣諸艘蝟起應魁率舟師乘風衝犁平明至
馬蹟劄甚猶裹血奮呼殊死戰賊乃潰去大猷親
爲傳藥解衣仍令移師吳淞是時嘉定急則轉嘉

同安縣志

卷之二十一

武功

畝

定上海急則轉上海江陰急又轉江陰敵無不攻
應魁無不應而川沙窪之擒斬尤多明年大猷晉
都督鎮浙乞應魁與俱懸賞得選鋒三百人犒之
令撓賊賊不動應魁曰是狃我也會大雪提三百
人披蓑持火藥夜半漸抵賊柵懸蓑藥之風發火
熾壁上下如赭大兵鼓譟進焉賊多焚死是役用
奇以少擊衆號爲冠軍於是總制胡公檄令督兵
黃窩港時倭大至天色已晚聯舟爲營應魁語諸
將曰乘其未定一鼓可擒也令我兵各標雙燈直

衝賊艘炮弩齊發呼聲振天賊焚溺死者無數餘
寇遁走茶山北洋窮力追之再戰再捷未幾謀報
倭將入七了港乃設伏賊後自以大兵迎敵戰酣
伏起夾擊大破之追至乍浦衝突沈倭艘二御史
上功陞南直隸遊兵把總兵部敘功復陞永寧衛
指揮使旋把總劉家河明年復把總圖山巡歷江
海不避風濤有倭至擊之三片沙沈其二舟斬首
甚多陞福建都司署都指揮僉事誥授昭勇將軍
封贈父祖如其官將赴閩而監軍唐順之移書撫

同安縣志

卷之二十一 武功

五

按請以閩銜領浙直事專守江南而倭闖入江北
總兵盧韓被劾詔獄波及應魁遂解職日與諸名
公賡詩倡和旣而劇賊曾一本橫行粵中總督吳
桂芳請以應魁參將廣惠潮提哨船不滿三十值
賊艘百餘乘夜截擊獨以中軍當其衝自寅及辰
督戰愈力手射殺賊圍乃解復合諸軍大戰破之
而閩巡按陳公爲粵人遽以未履閩任中應魁遂
求去歸而杜門卻掃校讐左史寄情詩酒大輪外
陽慈雲天馬諸山皆有標題孝友天性偉人恣伯

兄出入不問金門有園材之趣兄心欲之卽移家
豪山而推宅與兄巡憲及郡僚行部往返輒枉車
騎得其詩乃去然未嘗有所干年七十六卒著有
射法詩稿行世

涓陽萬歷癸未武進士授廣海守備陞潤州遊擊
以瓊州黎峒不靖題陞瓊崖參將有平黎功遷五
軍七營左參將告養歸卒瓊州人祀之名宦

陳則賡郡諸生聰敏多智天啓庚申壬戌紅夷猖獗
賡時爲軍門贊畫以計靖之臺省交章敘功第一

同安縣志

卷之二十一 武功

矣

予官不受

郭芝英字耀豪積善察東人明末以勦寇功授金門
遊擊狀貌英偉力舉千鈞敵望而畏之凡齎糧運
輸調遣進發多出其指畫晉光祿大夫太子太師
封忠奮伯

國朝

許盛字際斯號武巖康熙三年自海上率衆歸誠
授參將銜屯壘南贛時三藩蠢動閩粵荆湖諸寇
躡入江右破郡邑贛爲數省咽喉盛率屯丁前後

二十餘戰解寧都楊家寨富江等圍復石城萬安
泰和上猶龍泉等縣招撫偽將嚴自明戴順會祥
龍等斬偽將陳昇凌之亮何鼎陳可韓大任等奪
回男婦無算以功 授南贛總兵晉秩右都督轉
左復剿崖石寨降其魁朱明 授拖沙喇哈番
予世職盛少遭亂失親骸至是匍匐悲號墟莽間
乃得其處二十七年移鎮襄陽道經武昌值夏逢
龍之亂幽閉城中身被四矢以計脫隨 大兵討
平之後爲言者所劾蒙 溫旨許盛矢志忠貞所
同安縣志 卷之二十一 武功 卷
奏無據以原職出鎮宣府兩次出口隨征萬爾旦
以老乞歸捐貲三千八百金脩本邑 文廟及明
倫堂鄉賢祠卒於家子廷瑞商邱知縣廷瑜通判
廷瑤常德知府

陳昂字英士少好擊劍有投石超距之能弱冠賈海上
熟識海島港門風潮險易總督姚啓聖將軍施
琅攻臺灣聞其名召與計事昂指畫南北風信阻
澳瞭若指掌琅善之置麾下參密畫及戰澎湖身
自搏鬪乘風破浪所當賊皆披靡敘功 授蘇州

城守遊擊漕艘往來鼠竊不絕昂拊循有法兵民以輯尋調定海左軍雨遷至碣石總兵官擢廣東副都統到任卽疏劾天主教異端惑誘羣愚隱憂剴切又見沿海困於洋禁謂其子曰濱海民生業盡在番舶今禁絕之則土貨滯積生計無聊未有能悉此利害者卽知之又莫敢爲民請命我今疾作終此而不言則終莫達

天聽矣遺疏以聞商民稱便卒年六十八長子倫炯自有傳次子芳字名侯官碣石遊擊性嚴毅貌魁

同安縣志

卷之二十一

功

突

漳能挽數石弓當爲把總時稔鹽捕以私鹽誣人動輒破家產羅刑獄白於當道力除之調吳川遊擊有造孩子酒者取胎孩投糟中吸其氣釀爲酒孟值錢百吳川之孩罹其毒者無慮數十百人事覺吳川令薄罰釋之芳曰此何如事不除其人而絕其害非夫也立揭其事於兩府寘極刑其害遂絕吳川父老傳其德不衰後以病免孫壩廣東大鵬參將卽芳子也

吳楠字世喬石灣人康熙十九年應募義勇精曉水

務隨總兵吳英克復金廈兩島二十二年復從征
平澎臺加左都督任春江副將陞南澳總兵未任
卒

黃廷字甫朝號華明積善錦里人有大志具韜畧貌
魁梧初在鄭成功處掛偽將軍印畱守廈門及成
功亡投誠 國朝封慕義伯駐劄河南陽等處地
方長子而輝任湖廣衡永彬道次子而烱以軍功
陞江南安慶府副將

林莊雄積善岐陽人康熙十九年以把總隨師攻克
同安縣志 卷之二十一 武功 堯

金廈兩島旋給署副將劄二十二年攻澎湖取花
嶼猫嶼草嶼八罩將軍澳南大嶼東西桔虎井福
盤嶼西嶼頭牛心灣內外暫時鷄籠嶼四角山風
櫃尾娘媽宮等三十六島議加功十九等 授左
都督兼拖沙布喇哈番以副將用

張正大噉人以平臺功績加左都督世襲雲騎尉歷
任金門鎮中軍兼署總兵官印務

魏平翔風爐前人儀表奇偉康熙十九年以平臺功
加左都督歷任南澳遊擊及臺灣南路參將所到

之處恩威並著軍民咸得凡租稅入官者一切蠲免故人稱曰魏佛六十年陞廣西潯州副將卒於官

王天貴翔風劉五店人素有膽力尤精水師康熙年閒嘗平岳及澎臺功加左都督補千總俸滿授浙江舟山遊擊時海賊猖獗目無舟師獨貴巡警所至賊膽怯嘗追賊遇風靜潮逆勢不相及乃下巨艦駕快艇急趨之賊爲所俘迄今舟山戰艦其械具利用皆貴之遺也時有商船遇劫其船戶及

同安縣志

卷之二十一 武功

辛

舵手爲汎弁所獲囚獻提鎮貴力言非賊而船多賊具難以抵釋貴乃舉家以保力白其寃然後得免其弭盜安民類如此卒於官子大德以待衛

授崇明遊擊陞川沙參將

林宗泰貢生從姚啓聖平臺灣有功題補參議道

蔣煒澳頭人康熙閒隨大將軍施琅征臺灣以軍功補蘇松中營參將

郭新字日民積善蔡東人少有大志究略鈐事戎馬康親王稔其才略委署援剿右營守備既而實

授守金門克復海壇南日平海湄洲崇武臭塗
及金廈等堡所至若有神助不戰而平靖海侯施
琅奉命東征新爲前驅與劉國軒等戰於澎湖
奮力攻擊三十六嶼一時俱下乘風破浪入鹿耳
門鄭氏納款全臺蕩平琅表奏功次新列第三
授左都督子孫世襲拜拖喇布勒哈番

林永山積善龍嶼人號桐崖康熙年間出征湖南紅
苗議敘功加都司乾隆年以子應震教諭贈修
職郎善吟咏有詩載全閩詩選

同安縣志

卷之二十一 武功

三

許忠在坊田厝人詔安寄籍由平臺功歷任同安營
遊擊子德修孫鍾岳俱歲貢

方劉進同禾里下方鄉人由平臺功加左都督任陝
西固原鎮副總兵

方長生縣城北門人康熙六十年平臺功歷任都司
劉執忠弱冠從戎具有勇略康熙十九年大將軍擢
爲遊擊隨征臺灣忠選練熟水性官兵三十二名
率先用命二十一年總督姚啓聖委赴淡水招撫
事平議敘授海澄營軍民悅服

吳陞字源澤本姓黃爲總旗禦賊於果塘 擢千總
又從征金門廈門澎湖臺灣以功陞陝西遊擊擢
廣東副將調瓊州自瓊崖歷銅鼓經七州洋四更
沙周遭三千里躬自巡視地方寧謐陞定海總兵
官設法捕盜奸宄屏跡晉浙江提督改福建陸路
雍正三年加太子少保明年卒 贈太子太保予
祭葬諡恪勤

魏國泰字德良翔風爐前人住劉五店胸有膽略尤
精武藝弱冠充伍補水師提標把總康熙六十年

同安縣志

卷之二十一 武功

三

朱一貴倡亂國泰奉檄征剿多所追殺臺灣平出
把總歷陞洞庭副將潔已奉公兵民不擾嗣陞金
門鎮總兵官未赴任會貴州苗變又奉檄往鎮遠
協剿時苗勢猖獗嘗夜襲鎮遠國泰計兵丁在外
分防城中只有四十人乃預出城伏兵擊之苗望
幟卻走鎮遠之人賴以安焉平苗後赴金門乾隆
元年以軍功 賜俸在案五載除番船陋規每歲
不下千金調碣石鎮凡有陋規亦革之後補廣東
右翼鎮未赴任而卒子文偉由廕生出補守備現

任廣東順德協副將

陳倫炯字次安都統昂長子爲諸生博通羣書尤留心諸外國夷情士俗及洋面針更海道著海國聞見錄行於世召充宿衛長身玉立鬚眉整然上雅賞識之嘗扈從問及外夷情形對答瞭瞭悉與圖藉脗合辛丑臺匪朱一貴倡亂奏日烏合耳會須刻日平也爲詳陳所以易平狀及平賜賚有差授臺灣南路參將嚴紀律撫瘡痍恩威並用民番以安晉安平副將憫辛丑死事者建五忠祠

同安縣志

卷之二十一

武功

三

祀許雲以下五人旋總鎮臺灣益勵已率屬時有總鎮清廉補破靴之謠歷調高雷廉蘇松狼山諸鎮皆有聲而在蘇松則爲崇明人廓清數十年匿糧積弊尤卓卓可紀乾隆壬戌提督兩浙軍務五載解組歸卒年六十有四

胡貴字爾慎號潔峯少有智略習韜鈴精騎射留心水務風雲氣候港汊險易靡不周知由行伍授水師把總千總擢守備陞南澳遊擊玉環參將閩安副將蘇松潮州瓊州總兵廣東提督調浙江二

載仍調廣東歷官三十餘年草陋規勤訓練嚴巡
哨慎舉劾於救災弭盜尤惓惓加意在蘇松督運
漕糧十萬石來閩賑飢至溫舟遇颶風波濤拍天
貴望空禱風旋息回崇明是年七月狂飈陡發海
水驟漲漂沒廬舍人口盈萬亟商崇明令發賑令
以未辨爲辭貴曰難民死在煩刻寧能俟報有譴
吾自當之卽開倉賑濟又慮邑員少勢難周遍令
標屬四十餘員協同分賑衆有難色毅然曰若等
非以衛民乎倘賑有不周因而致變若等豈能免

同安縣志

卷之二十一

武功

齒

患請撥帑金十八萬倉穀二十八萬並截漕接賑
民賴以安在粵東值逆匪王亮臣等倡亂飛檄邊
界預截逃路分遣部將往增城虎門華峯藍汾二
山諸要地嚴行搜緝而增城在萬山中尤緊要亟
勒兵策馬馳鎮之適制府阿里袞亦至分道進搜
一從華峯入一從藍汾入諸逆次第捕獲積至二
百餘名復與阿里袞籌善後策事聞加秋及白
浙再調廣東卒於官賜祭葬加贈一級論勳

愨

林君陞字聖躋號敬亭由行伍 授偏裨康熙六十年奉調帶兵押餉赴臺灣並查臺地情形爲上官所器擢黃巖鎮遊擊雍正四年以保舉 授定海總兵至則嚴守禦飭巡邏沿海救寧壬子秋大饑軍民乏食多方設法全活甚衆乾隆二年調鎮汀州越二年調碭石旋調金門復值歲荒籌畫接濟軍民以甦七年以都督同知 授廣東提督迎母就養丁內艱服闕暫補臺灣總兵未半載仍 授廣東提督續調福建水師提督復奉調廣東提督

同安縣志

卷之二十一

武功

七

凡三至粵兵民稱慶甫半年調江南提督駕馭弁兵威以法撫以恩大江南北晏然寧謐公暇縱觀書史臨池得草書三昧或作大字高徑丈喜吟咏自成一家言旁及星命之學推算入神尤敦倫誼撫姪如子內外親族急難喪葬傾貲助之卒於官年六十八諡溫僖所著有自遣偶草及舟師繩墨救荒備覽等書子植以廕生 授大理寺右寺丞高華松翔風劉五店人慷慨仗義明於機略康熙五十八年由千總拔藍翎侍衛歷陞崖州參將擊劄

營規邊地無虞崖多煙瘴襲人輒病松按氣候爲藥丸散給軍民咸知避忌病者得免乾隆七年陞春江協副將歷署廣東總兵卒於官子德明任廣東順德遊擊姪孫膺振任廣東左翼鎮左營遊擊陳壘字仲篋安仁里人遊擊芳子以伯倫炯移膺補福建水師提標左軍守備陞金門遊擊尋調臺協中軍俸滿授烽火門參將調東大鵬營以荐陞香山副將地當廣海門戶西南諸番舶輳集其間而澳門紅夷室家雜處撫綏爲難其外零丁諸洋

同安縣志

卷之二十一

武功

美

汪洋無際奸民哨掠聚散靡常莫可踪跡壘內克殫歷外歷巡緝以故夷民均安洋盜相戒不入其境及巨盜曾德度等案發沿海文武多被議而香山獨晏然無事亦其效也壘生長將門雙目炯炯有光善騎射而性溫雅所至與諸有司和衷相濟軍民胥得歷署左翼碣石總鎮有祖父之風年五十三卒於官未竟其用論者惜之

方文柱在坊人貴州撫標左營守備從總督張廣泗征苗有功加陞遊擊未任而卒子從仁乾隆十年

廕監生

柯連英有智勇康熙閒以熟識臺地情形從征臺平任南路千總駐下淡水彈壓溪東旋陞守備分駐鳳彈地當要衝無土堡連英募工種刺竹周圍三匝犬牙相錯五年而吳福生作亂圍攻鳳彈竟不能入民頌其功雍正六年溪東有山名山猪毛其中皆傀儡生番時出焚掠民苦之時連英已護叅軍事請於帥府率師深入搗其巢擒番黨二十人番懼不敢出至今無山猪毛番患臺人感之後陞

同安縣志

卷之二十一 武功

七

廣東左翼鎮中軍以病告卒於家

吳必達字通卿號碧涯雍正庚戌科武進士由守備歷陞廣東提督調福建水師提督居官三十餘年草除陋規整飭營伍所至有廉聲軍民悅服

蔡攀龍金門平林人由行伍陞守備乾隆五十二年臺匪林爽文竊發攀龍從征屢著勞績 投狼山總兵嘉慶三年卒於官

葉時茂字允豐號得溪嶺下人任瑤江乾隆癸未會元探花及第由侍衛歷任廣西 州遊擊融懷叅

將新大副將居官清廉兵民悅服生平好吟咏著
有得溪詩集

同安縣志

卷之二十一 武功

卷二

